



PROJEKAT
**PODRŠKA
GRAĐANIMA
U BORBI
PROTIV
KORUPCIJE**

NEWSLETTER ZA III KVARTAL 2022.



USAID
OD AMERIČKOG NARODA



CENTRI CIVILNIH INICIJATIVA
CENTRI UZBEZBINE I INICIJATIVA



TRANSPARENCY
INTERNATIONAL
BOSNA I HERCEGOVINA



CRM@
CENTRI UZBEZBINE I INICIJATIVA



Opis projekta

Projekat „Podrška građanima u borbi protiv korupcije (ACFC)“ provode Centri civilnih inicijativa (CCI), kao glavni implementator, te Transparency International BiH (TIBiH) i Centar za razvoj medija i analize (CRMA) kao partneri na projektu, a podržan je od strane Američke agencije za međunarodni razvoj (USAID). Projekat se implementira u periodu septembar 2019 – septembar 2024. godine.

Cilj projekta ACFC je povećati učešće građana u borbi protiv korupcije, te su sve projektne aktivnosti dizajnirane i osmišljene na način da potiču snažan i održiv antikorupcijski aktivizam u cijeloj zemlji i na svim nivoima. Projekat ACFC ima za svrhu da civilno društvo bude reprezentativno i kredibilno u borbi protiv korupcije.

U okviru projekta realizuju se sljedeće aktivnosti:

- Monitoring i zagovaranje antikorupcijskih legislativa u sljedećim oblastima: sukob interesa, zaštita zviždača, javne nabavke i zloupotreba javnih sredstava u izbornim kampanjama;
- Uključivanje građana i izgradnja kulture koja odbacuje korupciju
- Koordinacija i izgradnja kapaciteta uključenih organizacija



Korupcija nije problem pojedinca!!!

Grupa ste građana koja se suočava sa korupcijom u vašoj zajednici i zbog toga ne možete da ostvarite pravo koje pripada vama ili širem krugu ljudi?

Trpite posljedice loših odluka donesenih uslijed zloupotrebe položaja ovlaštenih lica ili nezakonitog postupanja vlasti?

Kontaktirajte nas u cilju dobijanja podrške vašim inicijativama u borbi protiv korupcije

063 396 536
protivkorupcije@ccibh.org



Antikoruptivni aktivizam širom Bosne i Hercegovine



Kontaktirajte ih putem njihovih FB stranica!

Više na portalu antikorupcija.info

-
- Banja Luka**
 - UG "Restart Srpska"
 - Unija udruženja poslodavaca Republike Srpske"
 - Udruženje „Misli dobro“
 - UG "Put pravde"
 - Centar za edukaciju "Pro Educa"
 - NGG "Protiv kamenoloma Planina u naselju Karanovac"
 - Bijeljina**
 - Helsinski odbor za ljudska prava
 - NGG "Zaustavimo nelegalnu eksploataciju šljunka u Bijeljini"
 - Brčko**
 - NGG "Za transparentno finansiranje neprofitnih organizacija iz budžeta Brčko distrikta"
 - NGG "Za priznate diplome od akreditovanih visokoskolskih ustanova u Brčko distriktu BiH"
 - Omladinski centar Vermont
 - UG „Demos“
 - Bugojno**
 - NGG „Poriče“
 - Bužim**
 - Udruženje distrofičara Bužim
 - Doboj**
 - NGG "Za legalnu eksploataciju minerala iz korita rijeke Bosne"
 - NGG "Licencirane i akreditovane visokoškolske ustanove - validne i priznate diplome"
 - NGG „Uklonite Heksan iz Kotorskog“
 - Centar za humanu politiku
 - UG "Tolerancijom protiv različitosti (ToPeer)"
 - Drvar**
 - NGG "Drvar bez nelegalnog otpada"
 - Foča**
 - NGG "Sačuvajmo rijeke Foče"
 - Goražde**
 - NGG "Spasimo Drinu"
 - NGG „Goražde bez pesticida“
 - Istočno Sarajevo**
 - NGG "Stop izgradnji mHE na Kasindolskoj rijeci"
 - „Ženski interaktivni ruralni centar“ (ŽIR)
 - Jablanica**
 - NGG "Za Doljanku"
 - Konjic**
 - NGG "Neretvica - Pusti me da tečem"
 - Kozarska Dubica**
 - NGG "Reaguj protiv nepravilnosti koji ugrozavaju zdravlje i životnu sredinu"
 - Kreševo**
 - NGG "Kreševski građanski pokret"
 - Kakanj**
 - NGG „Park prirode Trstionica i Boriva“
 - Livno**
 - UG "Centar za građansku saradnju" CGS Livno
 - Maglaj**
 - NGG „Za legalnu eksploataciju minerala u gornjem toku rijeke Bosne“
 - Mostar**
 - NGG "Jer nas se tice"
 - NGG "Stop izgradnji mHE Buna I i II"
 - NGG „Stop nelegalnoj gradnji na Bijelom Brijegu“
 - NGG „Ne na Buni i u mome Blagaju“
 - NGG „Gradska inicijativa Kuti“
 - Petrovo**
 - NGG „Čuvari Ozrena“
 - Prijedor**
 - Udruženje za zaštitu potrošača DON Prijedor
 - NGG „Budi moj glas“
 - Sarajevo**
 - NGG "Hastahana park"
 - NGG "Nelegalna gradnja u opštini Stari Grad"
 - NGG "Inicijativa KCUS"
 - Udruženje „Ja BIH u EU“
 - Udruženje poslodavaca u Federaciji BiH
 - BIRN BiH
 - Udruženje "Baby Steps"
 - Udruženje Sindikat uposlenika Fonda
 - NGG „Spas u zadnji čas – Spasimo Dobrinju“
 - Unija za održivi povratak i integracije u BiH
 - Centar za razvoj omladinskog aktivizma (CROA)
 - Inicijativa za šumarstvo i okoliš
 - Aarhus centar
 - Udruženje profesionalaca, trenera i službenika za javne nabavke u BiH (UPTIS)
 - Šipovo**
 - NGG "Farmeri"
 - Tešanj**
 - NGG "Netransparentno trošenje sredstava iz budžeta za vodosnabdjevanje građana"
 - Trebinje**
 - UG "Stop mobbing"
 - NGG „Pokret za restituciju Trebinje“
 - Trnovo**
 - NGG "Stop nelegalnom odlaganju otpada na Krupačkim stijenama"
 - Tuzla**
 - Građanski pokret "Buđenje"
 - NGG "Inicijativa protiv odlagališta šljake i pepela iz Termoelektrane u MZ Šiće Brod"
 - Višegrad:**
 - NGG "Odborimo rijeke Višegrada"
 - NGG „Uklonimo nelegalnu deponiju pred turističkim gradom“
 - Vitez**
 - NGG "Hrabre žene Krušice"
 - NGG "Naše zgrade - naše pravo da znamo"
 - Zenica**
 - NGG "Čuvari zraka"
 - NGG "Pokret za preokret"
 - Zvornik**
 - NGG „STOP nelegalnim šljunkarama na rijeci Drini“
 - NGG „Stop izgradnji asfaltne baze u Trsiću“
 - Žepče**
 - NGG „Spriječimo nelegalnu eksploataciju šljunka na području Žepča i Zavidovića“



ODRŽAN TRENING ZA LIDERE U OBLASTI ANTIKORUPCIJSKOG AKTIVIZMA

Centri civilnih inicijativa su sredinom jula u Sarajevu održali dvodnevni trening za lidere u oblasti antikorupcijskog aktivizma. Za učešće na treningu, zainteresovani pojedinci, spremni da daju svoj doprinos u borbi protiv korupcije kroz aktivan angažman i praktičan rad u lokalnoj zajednici, su se prijavili putem javnog poziva koji su Centri civilnih inicijativa raspisali u toku mjeseca juna.

23 osobe iz cijele Bosne i Hercegovine zainteresovane za borbu protiv korupcije u svojim lokalnim zajednicama i pozitivne promjene u svom okruženju, su u okviru programa za lidere u oblasti antikorupcijskog aktivizma dobili edukaciju iz oblasti zagovaranja te vođenja PR kampanja. Osim toga, učesnici su imali priliku da razgovaraju sa građanskim aktivistima koji se godinama bore protiv korupcije u njihovoј lokalnoј sredini te da čuju njihova iskustva iz borbe koju vode godinama.




“Ovaj trening je genijalan. Mislim da je odlična prilika da individuama iz lokalne zajednice kažete da ovaj svijet može biti drugačiji i da neki mali koraci mogu dovesti do velikih kretanja. Posebno je bilo inspirativno kada smo slušali iskustva aktivista sa područja cijele BiH i one sve izazove sa kojima su se oni susretali. Ohrabrujuće je kad vidite da im se narod pridružuje. Korupcija je sastavni dio svih naših funkcionalisanja, prisutna u svim društvenim segmentima, ali predana borba običnog čovjeka može doprinijeti da se određeni problemi u lokalnim zajednicama etiketiraju i da se isti iznesu na veći nivo i da dođu do onih koji donese odluke”, kazala je Edisa Demić, učesnica treninga iz Mostara.

“Bitno je da građani prepoznaju kada njihova vlast stavlja interes nekog od pojedinaca ispred interesa zajednice. Mnogo je vidljivija šteta koju grupa građana prepozna za građane u odnosu na vidljivost štete koju insajderi prepoznaju, a treba na to sve reagovati”, izjavio je učesnik treninga Emir Mešić iz Tuzle.





“Moja motivacija za učešće na ovom programu je želja za jačanjem ličnih kompetencija u ovoj oblasti i sticanje relevantnog iskustva i znanja koje će mi koristiti u toku mog akademskog obrazovanja. Na radionicama i predavanjima imali smo priliku da se upoznamo s primjerima građanskih inicijativa usmjerenih ka pozitivnim promjenama, suzbijanju i otporu koruptivnih radnji u različitim lokalnim zajednicama u BiH, ali i razgovaramo s aktivistima o njihovoј borbi s vjetrenjačama i kriminalnim sistemom u BiH. Facilitatori su nesobično prenosili znanje na nas učesnike a sam program je bio izuzetno inspirativan i ohrabrujući za nas mlade u nastojanju da mi doprinesemo društvenim promjenama”, izjavila je Dženita Strukan iz Novog Travnika.



“Prijavio sam se na ovaj trening, riječ je o antikorupcijskim metodama kako bismo se u svojoj lokalnoj zajednici borili protiv različitih koruptivnih radnji i kriminala, pošto je to postala navika u našim gradovima, posebice Zenici. Čuo sam dosta stvari što se tiče kako stupiti u kontakt sa građanima, kako lobirati i biti prava podrška“, istakao je Adil Arapović iz Zenice, učesnik treninga.

Nakon održanog treninga, polaznici ovog programa će imati mogućnost za praktičan rad u svojim lokalnim zajednicama koji će biti usmjeren na identifikaciju lokalnih problema i vođenje javnih kampanja.





Organizacije civilnog društva - korisnice grantova koje realizuju kampanje u oblasti borbe protiv korupcije prošle edukaciju o iz oblasti namicanja sredstava za rad organizacija civilnog društva u BiH

Sredinom septembra Centri civilnih inicijativa su organizovali trening "Plan namicanja sredstava i diversifikacija izvora finansiranja", za organizacije civilnog društva - korisnice grantova kojima realizuju kampanje u oblasti borbe protiv korupcije.

Na kraju obuke, polaznice i polaznici su proširili znanja iz oblasti namicanja sredstava za rad organizacija civilnog društva u BiH, razmjenili iskustva o mogućim segmentima komercijalizacije određenog dijela usluga ili samofinanciranja organizacija iz alternativnih komercijalnih izvora. Dodatno, nakon treninga znaju prepoznati dodatne moguće mehanizme financiranja aktivnosti civilnog društva, te je pored toga prošireno i znanje o dostupnim donatorskim sredstvima i politikama.





Aktivisti NGG Mehorić su brzim djelovanjem „otjerali“ nelegalnu betonaru sa lokaliteta rijeke Trstionice

Na području rječice Trstionice kod Kakanja početkom 2022. godine postavljen je pogon za proizvodnju betona i šljunka-kamena i započeti radovi koji su vrlo brzo devastirali prostor oko izletišta i korita rijeke Trstionice, koje su posjećivali ljubitelji prirode decenijama. Općinska uprava Kakanja nema nikakvo saznanje oko radova na tom području niti je općinska uprava dobila zahtjeve ili izdavala bilo kakve saglasnosti, dozvole ili mišljenja za pomenute radove. Grupa je uputila niz zahtjeva prema inspekcijama od federalne do općinske inspekcije s ciljem da nadležni inspektorji dostave informaciju šta se to dešava na lokalitetu Trstionice. Nakon izlaska na teren vodni inspektor KUZIP ZDK je utvrdio da kompanija Trgošped d.o.o., vlasnik postrojenja betonare sa pratećim objektima, nije predočio vodne akte, nakon čega je vodna inspekcija poduzela upravne i represivne mjere u skladu sa odredbama Zakona. Obzirom da se radi o složenom objektu i aktivnostima na terenu, kantonalna vodna inspekcija je pismeno obavijestila inspekcijske organe općine Kakanj kao i Federalnu upravu za inspekcijske poslove – vodoprivredni inspektorat.

Rezultat pritiska neformalne grupe, mještana i svih pojedinaca Kakanja, u julu mjesecu nelegalna betonara je demontirana i odvezena sa tog lokaliteta. Nakon toga aktivisti su uputili zahtjev općini Kakanj sa upitom kako to da niko od općinske uprave nije znao za postavljanje betonare i šta će općina poduzeti po tom pitanju. Krajem jula mjeseca održana je sjednica OV Kakanj (20. redovna sjednica) na kojoj se raspravljalo o ovom problemu i donijeli su se zaključci za praćenje sanacije terena na kojoj je bila betonara.



“Općina Kakanj i predsjednik OV Kakanj na naš zahtjev o održavanju saastanka se nisu oglasili iako smo uredno dostavili Zahtjeve”, kazala je aktivistkinja Hajrija Čobo. “Mi nećemo odustati od naših zahtjeva, a to je potpuna sanacija terena gdje je bila betonara i tražimo odgovornost za postavljanje betonare i sanaciju terena nakon demontaže postrojenja,” zaključuje Hajrija.



Mještani MZ Poriče – Bugojno zaustavili početak nelegalne eksploatacije dolomita na lokalitetu Bukovački potok

Nakon dobijanja informacija o otvaranju kamenoloma u njihovom naselju, a suprotno zakonskim odrednicama, mještani MZ Poriče u Bugojnu su odlučili da se pobune kako bi ukazali na kršenje procedura u procesu dodjele koncesije, ali i na potencijalne negativne efekte po njihovo zdravlje i životnu sredinu. Općinsko Vijeće Bugojno je na sjednici održanoj 08.12.2021. godine ne poštujući Zakon o lokalnoj samoupravi usvojilo Odluku o davanju prethodne saglasnosti društvu „Kvattro“ d.o.o. Bugojno za pokretanje procedure za dodjelu koncesije za istraživanje i eksploataciju dolomita na lokalitetu Bukovački potok. Na osnovu odluke OV Bugojno, Ministarstvo privrede SBK je u februaru 2022. godine raspisalo Javni natječaj za prikupljanje ponuda radi dodjele koncesije, na koji su se javila dva ponuđača iz Bugojna. Tokom trajanja Javnog poziva, mještani Poriča su prikupili 1100 potpisa peticije kojom se protive nezakonitom postupku za izdavanje koncesije i dostavili je predsjedavajućem OV Bugojno i Ministarstvu privrede SBK. Ignorišući reakciju mještana, Vlada SBK je 19.05.2022. godine donijela Odluku o dodjeli koncesije društvu „Kvadro“ d.o.o. Bugojno. Investitor je planirao da započne radove bez urbanističke saglasnosti, bez odobrenja za eksploataciju i bez odobrenja za izvođenje rudarskih radova što su po zakonu i glavnom rudarskom projektu obavezni posjedovati. Mještani su organizovali veliki protest 18. i 19. jula, uz prisustvo policije i kantonalnog rudarsko – geološkog inspektora, koji je zaustavio dalje radove. Nakon što je inspektor zaustavio radove, mještani su dostavili Zahtjev načelniku i predsjedavajućem OV da sazove sjednicu na kojoj bi se argumentirano raspravilo o nezakonitoj Odluci, tražeći da se Odluka stavi van snage. Pored toga, uputili su zahtjev resornim ministarstvima privrede i prostornog uređenja da uvaže peticiju građana i činjenicu da je prekršen Zakon jer nije postojala saglasnost lokalne zajednice. Sjednica nije zakazana a Ministarstva do sada nisu uputila odgovor grupi na temelju Zahtjeva. Nadležne institucije, bez obzira na sve nepravilnosti pri dodjeli koncesije, inspekcijski nalaz koji je ukazao na nepostojanje dozvola, prijave građana i upozorenja, za sada ne preuzimaju nikakve mjere kako bi preispitale dodjelu koncesije i ispravnost donesenih odluka.

„Mi smo istrajni u odluci da se na sve načine borimo protiv nezakonitog postupka za izdavanje koncesije, uključujući pravnu borbu i angažovanje na informisanju javnosti“, izjavljuje Bakir Morić, jedan od aktivista neformalne grupe građana.

„Zaustaviti ćemo svaki put pokušaj investitora da započne nelegalne radove sve dok resorno ministarstvo privrede ne poništi ugovor o koncesiji koji je potpisani protiv volje mještana i na nezakonit način. Uskoro pokrećemo i upravni postupak protiv općinske Službe koja je kršila zakon i proceduru tokom predlaganja tačke dnevnog reda na sjednici OV na kojoj je donesena sporna Odluka o davanju prethodne saglasnosti društvu „Kvadro“ d.o.o. Bugojno za pokretanje procedure izdavanja koncesije“, zaključuje Bakir.



RESORNO ENTITETSKO MINISTARSTVO ZA EKOLOGIJU PRIHVATILO INICIJATIVU MJEŠTANA I POKRENULO PROCEDURU ZAKONSKE ZAŠTITE PLANINE OZREN

Najvažniji napredak i konkretan rezultat velikog medijskog pritiska neformalne grupe „Čuvare Ozrena“ i drugih NVO i pojedinaca sa područja Opštine Petrovo je činjenica da je ministar Đokić krajem juna stavio van snage sporno Rješenje o detaljnim geološkim istraživanjima koje su izdali investitorima u aprilu 2021. godine. Većina medijskih kuća iz Republike Srpske su prenijele ovu vijest. Nakon toga grupa je pokrenula proces zagovaranja i PR kampanju s ciljem pokretanja procedure zaštite šireg područja Ozrena. Upućena su dva Zahtjeva, jedan prema resornom entitetском ministarstvu za ekologiju, a drugi prema Republičkom Zavodu za zaštitu kulturno - historijskog i prirodnog naslijeđa Republike Srpske u kojima su zatražene informacije o institucionalnom pokretanju procedure zaštite Ozrena. Pored upućenih Zahtjeva dodatni pritisak aktivisti Čuvara Ozrena su izvršili pokretanjem bilboard kampanje u Doboju i Banjaluci sa porukom za zaštitu Ozrena.

Rezultat tih aktivnosti je bio odgovor od ministrice Golić I Zavoda da je ministarstvo prihvatio Inicijativu mještana i pokrenuta je procedura zaštite prema Zakonu o zaštiti prirode Republike Srpske, te da su izdvojena sredstva za sprovođenje istraživanja i angažman stručnih ljudi u cilju izrade Studije zaštite koju bi provodio Zavod. Time je započela realizacija dugoročnog cilja kampanje , a to je zakonska zaštita šireg područja Ozrena koju su zahtjevali NVO i građani sa područja Ozrena, kao i Čuvare Ozrena. Nakon toga zadatak aktivista će biti praćenje provođenja Odluke resornog ministarstva.

AKTIVISTI NGP VALTER IZ TEŠNJA OBILJEŽILI GODIŠNJICU BORBE PROTIV NELEGALNE REDUKCIJE VODE IZ 2021.G REZULTAT, TOKOM 2022.GODINE NIJE BILO REDUKCIJE VODE, URAĐEN JE NOVI BUNAR, ALI IZVJEŠTAJ O UTROŠKU BUDŽETSKIH SREDSTAVA ZA VODOSNABDJEVANJE U PROTEKLIM PET GODINA NIJE JAVNO OBJAVLJEN

Kao rezultat kampanje „Žedni smo pravde“, kontinuiranog pritiska aktivista Valtera i građana Tešnja na općinsku upravu u proteklom periodu realizovan je važan projekat izgradnje bunara PEB 3 kojim je obezbjeđena dodatna količina pitke vode u sistem vodosnabdjevanja. Bunar je pušten u rad u julu mjesecu, a za taj projekat izdvojeno je 600.000 KM. Takođe, u julu mjesecu, općina Tešanj je potpisala ugovor za gradnju novog bunara PEB 5 kojim bi se trebala osigurati dodatna količina pitke vode za Tešanj (oko 600 l/minuti). Važno je spomenuti i činjenicu da je općina Tešanj početkom juna donijela Odluku kojom se zadužuje JP Rad da tokom mjeseca juna i jula provjere vodomjere građana i pravnih subjekata kako bi se očitalo pravo stanje potrošnje vode i spriječila prekomjerna potrošnja vode. Tokom 2022. godine nije bilo restrikcije pitke vode, povećana je transparentnost informacija i podataka JP Rad Tešanj prema korisnicima, ali ostao je problem netransparentnosti općinske uprave oko trošenja sredstava za vodosnabdjevanje koja se planiraju svake godine u budžetu. Jedan od ključnih zahtjeva grupe građana Valter, u dostavljenoj Inicijativi općinskoj upravi, bio je da se javno objavi finansijski izvještaj o utrošku budžetskih sredstava za vodosnabdjevanje u općini Tešanj u proteklih pet godina, a prema dostupnim podacima radi se o iznosu od 5 miliona KM. Općinski načelnik, kao i Služba nadležna za finansije i komunalne poslove, ignorisali su zahtjeve i dopise Valtera za održavanje sastanka, otvorenog dijaloga i dostavljanja izvještaja o utrošku sredstava temeljem ZOSPI. U proteklom periodu, zbog šutnje administracije na zahtjeve Valtera, provedena je PR kampanja s ciljem da se pozovu na odgovornost načelnik i odgovorni iz općinske Službe za nedostavljanje podataka o utrošku sredstava iz budžeta za vodosnabdjevanje.

Aktivisti NGP „Valter“ će nastaviti sa pozivanjem na odgovornost za prošlogodišnju redukciju vode, koja je nanijela štetu građanima, tražiti odgovornost općinske uprave za sve propuste i netransparentne radnje tokom redukcije, ali i perioda prije redukcije jer pitamo se opravdano: Zašto nadležna općinska Služba nikada nije objavila Izvještaj o utrošku budžetskih tj. sredstava građana za vodosnabdjevanje. Ako je novoizgrađeni bunar koštao oko 600.000 KM i povećao kapacitet izvorišta za 17%, postavlja se pitanje koliko se bunara moglo izgraditi za 5,2 miliona KM koje su izdvojene u zadnjih 5 godina za vodosnabdjevanje. U proteklim mjesecima kontinuirano su građani tražili od općinske uprave da javno objavi Izvještaj o utrošku sredstava iz budžeta, nikada nisu dobili odgovor na niz dopisa i Zahtjeva, jednostavno općinski načelnik i uprava su ih ignorisali.“, navodi Edin Hasaničević, aktivista pokreta „Valter“. I dodaje: “U narednom periodu ćemo razmotriti mogućnost pokretanja krivičnih prijava protiv najoodgovornijih, jer je oko 90% građana koji su uzeli učešća u provedenoj anketi to zahtjevalo.“





OSTALA 2 KORAKA DO TRAJNE ZABRANE GRADNJE MHE NA BUNSKIM KANALIMA

Krajem 2021. godine Gradsko vijeće Mostara je usvojilo zaključak o brisanju mHE Buna 1 i Buna 2 iz Prostornog plana Grada Mostara. Međutim, ove izmjene su trebale biti provedene tek kroz izradu novog Prostornog plana Grada Mostara, a kako investitor nije odustao od gradnje ovih mHE mještani Bune su pokrenuli inicijativu prema Gradskom vijeću da se izmjene i dopune realiziraju kroz postojeći Prostorni plan Grada Mostara.

O tome da investitor neće odustati od gradnje govori i činjenica da se žalio na odluku Agencije za vode Jadranskog mora Mostar kojom odbija njegov zahtjev za novu prethodnu vodnu suglasnost. Drugostupanjski organ je uvažio žalbu i postupak vratio na početak.

U međuvremenu Grad Mostar je donio Odluku o izmjenama i dopunama kroz aktualni Prostorni plan i usvojio nacrt Odluke o njegovim izmjenama. Usvojen je nacrt izmjena i dopuna i provedena je javna rasprava. Mještani Bune su se odazvali u velikom broju na ovu raspravu i obratili se predlagatelju i ostalim učesnicima sa svojim komentarima.

U isto vrijeme prema Vladi HNŽ/K je pokrenuta inicijativa za preispitivanje i raskid koncesionog ugovora na koju je Vlada odgovorila da je ista upućena resornom ministarstvu na postupanje. Prije Općih izbora u BiH, na adrese 17 političkih subjekata prijavljenih za Skupštinu HNŽ/K je upućeno otvoreno pismo u kojem su upitani hoće li njihovi zastupnici u slučaju da budu izabrani u ovaj parlament podržati napore mještana Bune da se raskine koncesioni ugovor. Samo 6 ih se opredjelilo za podršku i poslalo svoj potvrđan odgovor. Ostali se nisu očitovali.





Veliki skup u Neretvici na kojem su proslavljenе pobjede iz prethodnog perioda

Nakon što se ranije u 2022. godini desio niz malih pobjeda u borbi protiv gradnje 15 mHE na Neretvici kao što su poništenje odobrenja za građenje (građevinska dozvola), neposjedovanje energetskih saglasnosti, istekle vodna saglasnost i okolinska dozvola, pokret Pusti me da tečem je u julu organizovao veliki skup u dolini Neretvice. Cilj ovog skupa je bio poslati poruku nadležnim institucijama, prije svega Federalnom ministarstvu okoliša i turizma i Općini Konjic. Od Federalnog ministarstva okoliša i turizma, odnosno ministrici Edite Đapo aktivisti očekuju da JP Elektroprivreda Bosne i Hercegovine naredi izradu nove studije o uticaju na okoliš i uključivanje zainteresovane javnosti kroz organizovanje šire javne rasprave u dolini Neretvice. Općinu Konjic, odnosno Grad Konjic još jednom su pozivali da raskinu štetni koncesioni ugovor za izgradnju mHE na Neretvici, na što imaju pravo.

“Želimo novu studiju o uticaju na okoliš jer je prethodna izrađena prije više od deceniju i organizovanje šire javne rasprave na lokaciji planirane izgradnje mHE. Vjerujemo da se FMOIT neće svrstati na stranu mHE lobija, a odluka temeljena na našim zahtjevima jedina je u interesu naroda, države i prirode. Neretvica će zauvijek teći!” poručili su iz pokreta “Pusti me da tečem”.





Građani aktivni u prijavama nelegalnih radnji šljunkara

Zahvaljujući aktivnom učešću građana u prepoznavanju problema nelegalne i nekontrolisane eksploatacije šljunka u njihovom neposrednom okruženju, neformalne grupe građana koje se zalažu za legalnu i kontrolisanu eksploataciju šljunka u slivovima rijeka Drine i Bosne su zaprimile niz dojava sa terena. Nezadovoljni građani traže pomoć i podnošenje krivičnih prijava protiv bahatih šljunkara. Mještani koji žive u blizini rijeka Drine i Bosne se osnovano pribavljaju da će nova izvlačenja šljunka dovesti do poplava kada dođe do obilnijih padavina i povećanja vodostaja. Kada je u pitanju sliv rijeke Drine, građani su dostavili informaciju da se šljunak nekontrolisano vadi u Zvorniku, u naselju Karakaraj u vodozaštitnom području i u naselju Čelopek, gdje je devastirana nekadašnja plaža. Situacija je slično loša i na teritoriji grada Bijeljine. Nezadovoljni mještani Janje ponovo su se obratili neformalnoj grupi građana tvrdeći da preduzeće "Bijeljina put" nemilice eksploatiše šljunak i da se nekontrolisanom eksploatacijom proširuje korito rijeke Drine i mijenja njen tok. Pored toga, mještani sela Balatun kod Bijeljine, gdje Drina razdvaja BiH i Srbiju, žalili su se na pregrađivanje korita rijeke. Oni tvrde da je na tom dijelu rijeke Drina pregrađena od strane srpskog državljanina koji posjeduje šljunkaru na srpskoj obali.

U slivu rijeke Bosne su prijavljene slične aktivnosti. „Šljunkari su se toliko osili da pregrađuju korito rijeke kako bi dodatno umanjili nivo korita iz kojeg iz velikih dubina izvlače šljunak praveći opasne virove i kratere. Dva bagera i deset velikih kamiona „damper“ laktaškog „Integrala“ vade šljunak iz rijeke Bosne kod Doboja u ogromnim količinama“ – dojava je od dobojskih ribara i ribočuvara neformalnoj grupi građana „Za legalnu i kontrolisanu eksploataciju šljunka u slivu rijeke Bosne“. U pitanju je lokalitet Kostajnica, odnosno Rudanka. Apelom za pomoć obratili su se i iz Šamca, negodujući zbog količine izvađenog šljunka neposredno kod mosta na lokalitetu „Ušće“, gdje je šljunkarsko preduzeće koje izvodi radove formalno pokriveno dozvolom „Voda Srpske“. Aktivisti tvrde da dubina kopanja, granice eksploatacionog polja i drugi uslovi iz Ugovora, odudaraju od datih saglasnosti i sklopljenih ugovora. Aktivisti sve dojave dalje proslijeduju na provjeru. Nakon toga, u zavisnosti od rezultata provjere, neke od ovih informacija će postati osnov za krivičnu prijavu.

Aktivisti se zahvaljuju građanima na aktivnom učešću i pozivaju ih da se i dalje javljaju kako bi zajedničkim snagama riješili ovaj dugogodišnji problem.



Aktivisti uličnim akcijama animiraju građane

Krajem septembra su neformalne grupe građana koje se zalažu za legalnu i kontrolisanu eksploraciju šljunka izašle na ulice kako bi putem informativnih letaka i postera upoznale građane sa aktuelnim dešavanjima kada je riječ o njihovoj borbi i zalaganju.

Velika zainteresovanost građana i medija bila je na uličnoj akciji u Bijeljini, jer im je tema bila poznata i zbog nedavno pokrenutih istraga od strane Okružnog javnog tužilaštva Bijeljina protiv više privrednih društava sa ovog područja. Aktivisti su od građana saznali da su primjećeni novi šljunkari na teritoriji sela Međaši i na novoj lokaciji pored Pavlović mosta, a građani upoznati sa načinom na koji da prijave uočene aktivnosti. Pored toga, direktno na Info štandu su se javili zainteresovani da se priključe Grupi.

Ulične akcije organizovali su u Doboju, nakon čega se više građana sa terena javilo sa korisnim informacijama o dešavanjima na terenu kada su u pitanju nelegalne i sumnjive aktivnosti šljunkara u Crkvini i lokalitetu „Ušće“ u Šamcu, Miloševcu kod Modriče, Prudu u općini Odžak, Johovcu i Rudanci kod Doboja i drugim.

Aktivisti sa područja Grada Zavidovići i općini Žepče takođe su u svojim sredinama organizovali Uličnu podjelu letaka i distribuciju postera u gradovima i Mjesnim zajednicama duž korita rijeke Bosne u Federaciji BiH.

U naknadnim javljanjima građani sa terena su u najvećoj mjeri zainteresovani na koji način trebaju prijavljivati uočene aktivnosti šljunkara na lokalitetima gdje nema saglasnosti za izvođenje radova od nadležnih za upravljanje vodotokom. Ono što je uočljivo je da građani iz straha od bahatih šljunkara i interesnih grupa insistiraju na anonimnosti, te su u tom smislu tražili u prijavama posredovanje aktivističkih grupa.

Ključno značajnije uključivanje lokalnih zajednica u problematiku nelegalne eksploatacije šljunka



Neformalne grupe građana koje se bore protiv nelegalne i nekontrolisane eksploatacije šljunka su dostavili lokalnim samoupravama inicijative kojima ih pozivaju na bolju saradnju i uključivanje u aktivnosti kako bi rješavanje ovog problema postao jedan od prioriteta na lokalnom nivou u zajednicama koje su najviše pogodjene.

Aktivisti su lokalnim zajednicama u slivu rijeka Drina i Bosna na području RS uputile Inicijativu za provođenje preporuka Glavne službe za reviziju javnog sektora u Republici Srpskoj i intenzivnije uključivanje jedinica lokalne samouprave u aktivnosti vezane za uređenje vodotoka rijeka. Inicijative su upućene Gradu Doboju, opštinama Modriča, Vukosavlje i Šamac u slivu rijeke Bosne i Gradu Bijeljina i Gradu Zvornik u slivu rijeke Drine, a odgovori se još uvijek čekaju od opštine Modriča i Vukosavlje. Dodatno su od odgovornih zatražili da im dostave mišljenje o predloženoj inicijativi kao i informacije o dosadašnjim aktivnostima jedinica lokalne samouprave kada je u pitanju predlaganje lokacija za čišćenje i produbljivanje riječnog korita, odnosno vađenje riječnog materijala iz rijeka Bosne i Drine i saradnji sa JU "Vode Srpske", koja je nadležna za upravljanje vodotocima u Republici Srpskoj.


Zaprimljeni odgovori prikazuju različit nivo uključenosti lokalnih samouprava u aktivnosti predlaganja lokaliteta za čišćenje i produbljivanje riječnih vodotokova, kao i sprječavanju nelegalne eksploatacije šljunka na svojoj teritoriji. Grad Dobojski i Grad Zvornički nisu uključeni u pomenute aktivnosti. Sa druge strane, Grad Bijeljina pokazuje uključenost u određenoj mjeri, dok se značajnija uključenost primjećuje kod opštine Šamac, koja je prikazala postojanje kako kaznenih, tako i preventivnih mjera.

I građanski aktivisti koji se zalažu za legalnu eksploataciju šljunka u Maglaju, Zavidovićima i Žepču u slivu rijeke Bosne na području FBiH su uputili pojedinačne inicijative svojim lokalnim zajednicama, pozivajući ih da se intenzivnije uključe u aktivnosti u vezi sa uređenjem vodotoka rijeka i eksploatacijom riječnog materijala na svojoj teritoriji.

Naime, prema informacijama dobijenim od Agencije za vodno područje rijeke Save, lokacije na kojima je potrebno čišćenje i produbljivanje riječnog korita, odnosno vađenje riječnog materijala na rijekama prve kategorije, prethodno se utvrđuju u saradnji sa lokalnim zajednicama a količine definisu elaboratom na koji se zatim izdaje vodna saglasnost. Prema tome, iako nemaju direktnu nadležnost, jedinice lokalne samouprave imaju bitnu ulogu u procesu predlaganja lokacija za uređenje i odgovornost da obezbijede transparentan sistem donošenja odluka koji radi u interesu građana.

“Svima je poznato da šljunkarska preduzeća nisu prestale da vade, odnosno eksploatišu i prodaju šljunak, koriste ga u procesu proizvodnje i djelatnosti kojom se bave. Ali, imamo utisak da im neprijavljanje na javne pozive sada više odgovara, pa se pozivaju da im mi svojim aktivnostima onemogućavamo eksplorisanje. Svjesni smo da im je isplativije šljunak vaditi iz korita rijeke besplatno, tj. ilegalno, a mi se samo zalažemo da se te aktivnosti rade u okviru zakonskih normi, čime legalne šljunkare štitimo od nelegalnih“ – izjavila je članica neformalne grupe građana „Zaustavimo nelegalnu eksploraciju šljunka u Maglaju“ Zumra Gušo i još jednom naglasila važnost uloge lokalnih vlasti.

Aktivisti pozivaju jedinice lokalne samouprave da direktno utiču na izmjenu prakse načina prenošenja javnih poziva tako što će se obvezati da pozive prenose na web stranicama svojih općina i da pronađu način da ih sponzorišu na lokalnom nivou i animiraju svoje građane.



Više na portalu antikorupcija.info



POKRENUTO PITANJE ZA RJEŠAVANJE PROBLEMA NELEGALNE DEPONIJE U VIŠEGRADU U SKUPŠTINI OPŠTINE

U okviru borbe protiv nelegalne deponije koja se nalazi na ulazu u selo Holjaci, Višegrad, aktivisti su uputili otvoreno pismo odbornicima SO Višegrad u kojem su ih pozvali da na tačku dnevnog reda uvrste problem nelegalne deponije. Početkom avgusta održana je redovna sjednica SO na kojoj su odbornici raspravljali o problemu nelegalne deponije. Na sjednici su se obratili članovi NGG sa zahtjevom za hitnim rješavanjem ovog problema. Odbornici SO Višegrad su usvojili Zaključak da će se u narednom periodu formirati komisija koja će započeti sa rješavanjem problema nelegalne deponije. Nakon što su prikupili preko 1000 potpisa protiv nelegalne deponije, aktivisti su peticiju predali SO Višegrad te održali press konferenciju za medije na kojoj su još jednom pozvali opštinske vlasti da počnu rješavati problem nelegalne deponije čije postojanje godinama ugrožava njihovo zdravlje.

“Predali smo prikupljene potpisane za uklanjanje te deponije pred našim domovima, a podršku nam je dalo 1164 osoba. To je samo pokazatelj da ovo nije problem male grupe ljudi, već ugrožavanje javnog interesa svih građana Višegrada. Na posljednjoj redovnoj sjednici Skupštine opštine Višegrad izložili smo svoj problem, te smo saslušani i odbornici su odlučili da formiraju Komisiju koja će se baviti pitanjem uklanjanja deponije, uz učešće jednog člana naše neformalne grupe. Očekujemo od Skupštine da će se Komisija formirati u što skorijem roku, jer su prikupljeni potpisani u okviru peticije jasan pokazatelj da građani Višegrada ne žele nelegalnu deponiju koja ih truje i ugrožava već godinama.“ – istaknuli su aktivisti.



POKRENUTA PETICIJA ZA IZMJEŠTANJE PRETOVARNE STANICE ZA OTPAD IZ CENTRA KOZARSKE DUBICE

Građani Kozarske Dubice već godinama muku muče sa problemom pretovarne stanice, koja se nalazi skoro u samom centru Kozarske Dubice, a graniči samo dvorišnim ogradama sa čitavom ulicom u kojoj žive mještani. Pretovarna stanica, na kojoj se skladište različite vrste otpada, te pripremaju za dalji odvoz, često smeće zadržava na lokaciji na kojoj se zbog uslova pojavljuju štetočine i nametnici, a i nesnosni neprijatni mirisi muče mještane koji žive svega nekoliko metara od stanice. Pored problema sa neprijatnim mirisima, koji su u ljetnom periodu neizdrživi, građanima koji žive odmah pored stanice opasnost stvaraju i česta pojavljivanja zmija i pacova, što izaziva strah, naročito za bezbjednost djece. Više puta se dešavalo da djeca u igri, u svojim dvorištima, naiđu na zmije, a nije rijetko ni da kućni ljubimci i napuštene životinje pronađu put do otpada životinskog porijekla, te ga donesu u ograđena dvorišta, što izaziva veliku opasnost od zaraze.

„Tražimo izmještanje ove pretovarne stanice, koja nije u skladu sa Zakonom, tačnije, podzakonskim aktom – Uredbom o odlaganju otpada na deponije. Pozivamo sve građane Kozarske Dubice da potpisom podrže rješavanje našeg problema, jer ovo je nedopustivo u jednom naseljenom mjestu!“ poručili su iz neformalne grupe građana.

Ulična akcija na kojoj je pokrenuto sakupljanje potpisa za izmještanje pretovarne stanice za otpad iz centra Kozarske Dubice je održana 28. jula 2022. godine.



GRAĐANSKA INICIJATIVA „JER NAS SE TIČE“ NE ODUSTAJE OD SVOJIH ZAHTJEVA

HITNO ZATVARANJE I SANACIJA POSTOJEĆE LOKACIJE DEPONIJE UBORAK, NJENO BRISANJE IZ PP TE IZNALAŽENJE NOVE LOKACIJE I NJEN UPIS U PP GRADA MOSTARA

Završetak borbe građana Mostara nastanjenih u njegovom sjevernom dijelu oko deponije Uborka nije na pomolu ni nakon više godina. Nakon što je Građanska inicijativa Jer nas se tiče pokrenula tužbu na Plan prilagodbe deponije Uborka došlo je do blokade procesa proširenja trenutne lokacije. Grad je tu blokadu iskoristio kako bi optužio mještane da će cijeli grad doći u opasnost i uskoro biti zatrpan smećem. Ovu optužbu povremeno plasiraju u javnosti spominjući kako još petnaest dana imaju gdje odlagati otpad te da po isteku toga roka prijeti potpuna blokada grada i deponije. Činjenica da se ovaj rok u njihovom obraćanju javnosti stalno ponavlja, kao i to da je na zaštitni zid deponije postavljen znak zabrane snimanja deponije, dovodi mještane u sumnju kako se iza zidina deponije provode neke sumnjive nelegalne radnje, kako se ista proširuje bez dozvole te kako se na nju ponovno odlaže sumnjivi otpad. Organizirana je press konferencija na kojoj su javno iznesene ove informacije i sumnje te ponovljeni raniji zahtjevi udruženja kojim se traži hitno zatvaranje i sanacija postojeće lokacije deponije, njeno brisanje iz prostornog plana te iznalaženje nove lokacije i njen upis u Prostorni plan Grada Mostara.





GRAĐANI TUŽILI FEDERALNO MINISTARSTVO OKOLIŠA I TURIZMA ZBOG IZDAVANJA OKOLINSKE DOZVOLE ZA TVORNICU VAPNA U KREŠEVU

U proteklom periodu aktivisti neformalne grupe građana Kreševski građanski pokret su nastavili borbu protiv nelegalnog rada kamenoloma i Tvornice vapna u Kreševu. U julu ove godine, aktivisti su dobili obavijest da je Federalno ministarstvo okoliša i turizma izdalo obnovljenu okolinsku dozvolu za Tvornicu vapna u Kreševu uprkos tome što su se na javnoj raspravi mještani jednoglasno izjasnili da su protiv nelegalnog rada Tvornice vapna. Iako je Federalno ministarstvo okoliša i turizma ignorisalo zahtjeve građana, aktivisti su pokrenuli tužbu protiv izdate okolinske dozvole i poručuju da neće odustati od borbe za zdravlje i imovinu. Sredinom jula, aktivisti su uputili otvoreno pismo premijeru i Vladu SBK u kojem ih pozivaju na raskid koncesionog ugovora. U cilju vršenja pritiska na Vladu SBK da raskine koncesioni ugovor sa firmom koja duguje preko 170.000 KM za koncesiju, koja nema sve potrebne dozvole za rad i koja svojim radom ugrožava zdravlje i imovinu mještana, najavljen je niz zagovaračkih i PR aktivnosti.





GRAD
MOSTAR
GRADSKA VIJEĆNICA
CITY OF MOSTAR
CITY HALL

KAMENČIĆI IZ NELEGALNOG KAMENOLOMA U NASELJU KUTI DATI VIJEĆNICIMA GRADSKOG VIJEĆA MOSTARA

Prošlo je više od godinu dana kako su mještani naselja Kutije organizirali prve proteste na prilaznom putu prema kamenolomu koji se nalazi na miniranom području udaljenom samo 137m od prvih kuća njihovog naselja. Od tada je krenula pravna borba mještana povratnika koji su uložili sve što su imali kako bi se vratili na svoja prijeratna ognjišta. Po povratku počeli su se baviti stočarstvom, poljoprivredom i pčelarstvom te se na taj način pobrinuli za svoju egzistenciju koja će ako kamenolom bude pušten u rad doći u pitanje. Pokrenuli su sudski spor protiv Federalnog ministarstva okoliša i turizma na okolinsku dozvolu koju je ovo Ministarstvo izdalo investitoru. Uz pokrenutu tužbu priloženi su svi argumenti kojima se dokazuje kršenje procedura prigodom ishodovanja ove dozvole.

U Gradskom vijeću se u više navrata kroz različite istupe manjeg broja vijećnika pokretala diskusija o njihovom problemu, međutim bezuspješno jer nije bilo većine koja bi se založila za njih. Građani su i sami pokrenuli inicijativu za brisanje kamenoloma iz Prostornog plana Grada Mostara ali predsjednik Gradskog vijeća ne želi ovaj problem staviti na dnevni red sjednice vijeća sve dok postoji sudski spor iako isti nema nikakve veze sa Gradom Mostarom. Razočarani stavovima Grada Mostara i Gradskog vijeća mještani su organizirali performans pred Vijećnicom.

Upriličen je događaj simboličnog darivanja vijećnika koji ih nisu podržali u dosadašnjim naporima da se kamenolom Kutije briše iz Prostornog plana Grada Mostara. Uz darove uručena im je i prigodna satirična Zahvalnica u kojoj su im se zahvalili za sve uložene napore i podršku koju vijećnici poduzimaju kako bi kamenolom Kutije što prije bio pušten u rad.





POKRENUTA INICIJATIVA ZA ZATVARANJE PRIJEDORSKOG PRIHVATILIŠTA ZA NAPUŠTENJE ŽIVOTINJE KOJE RADI U SUPROTNOSTI SA ZAKONOM O ZAŠTITI I DOBROBITI ŽIVOTINJA!

Grupa građana i ljubitelji životinja Prijedora imaju pritužbe na koruptivne aktivnosti i nehuman rad prihvatilišta za pse u sklopu „Komunalnih usluga“ a.d, smještenog na regionalnoj deponiji, a koji se finansira iz budžeta Grada Prijedora od 2009. godine. Rješavanje napuštenih pasa u Prijedoru vrši se putem Komunalnog „Komunalne usluge“ a.d., koje putem Higijeničarske službe vrši hvatanje i smještaj pasa na Prihvatalištu na lokalitetu Kurevo.

Grupa ima dokaze da Gradska uprava Prijedor dodjeljuje na godišnjem nivou oko 100 000 KM ovom preduzeću za obavljanje djelatnosti skupljanja i zbrinjavanja napuštenih pasa, bez ikakvog raspisanog javnog poziva, dok Komunalne usluge “vrše” nabavku hrane za pse bez raspisivanja tendera za nabavke, od 2009. godine do dana današnjeg.

Iako su u niz navrata zahtjevali podatke i izvještaj o utrošku sredstava grupa te podatke nikada nije dobila od Gradske uprave niti su ti podaci javno objavljivani punih 13 godina od kada je uspostavljeno prihvatilište za pse. Tokom jula i augusta mjeseca, aktivisti su pokrenuli niz aktivnosti kojima su ukazivali na nezakonite procedure uspostave prihvatilišta za pse i netransparentnom trošenju novca iz budžeta Grada Prijedora za zbrinjavanje pasa latalica. Početkom augusta pokrenuta je akcija potpisivanja peticije za zatvaranje prihvatilišta za pse koju je za kratko vrijeme potpisalo 2.400 građana Prijedora. Glavni argumenti potpisivanja peticije su da se novac na lokalnom nivou odvaja, ali očigledno ne odlazi tamo gdje je namijenjen, ne postoje podaci niti dokumenti koji potvrđuju da se hranjenje, zbrinjavanje i prihvatanje životinja radi kako je Zakonom propisano, prihvatilište za pse nije formirano niti se održava u skladu sa Pravilnikom o osnivanju i uslovima koje moraju ispunjavati skloništa za životinje i Zakona o zaštiti i dobroti životinja.

“Već 13 godina nedužni psi stradavaju u najgorim mukama, dok ogromne količine novca namijenjene za njihovo zbrinjavanje se troše na javnosti nepoznat način. Od 2009. do 2022. godine iz budžeta Grada Prijedora je odvojeno preko million KM za ove svrhe, međutim, finansijskih izvještaja o utrošku novca nema”, poruka je sa press konferencije koju su aktivisti održali.

Krajem augusta grupa organizuje okrugli stol pod nazivom “Argumenti „Inicijative - Iako ne govorim, na meni se ne možeš bogatiti“ za zatvaranje nelegalnog prihvatilišta za pse „Komunalne usluge a.d.“ smještenog na regionalnoj deponiji Kurevo na koji se nisu odazvali predstavnici Grada Prijedora i Komunalnog, kao i predstavnici inspekcijskih organa. Predstavnici Grada su preko medija poslali izjavu da se trenutno radi na izgradnji novog prihvatilišta za pse, da su radovi u toku i da se u skorije vrijeme očekuje završetak modernog prihvatilišta koje će imati svu potrebnu dokumentaciju i dozvole.



GRAĐANI DOBRINJE NE ODUSTAJU OD BORBE PROTIV NELEGALNO IZGRAĐENOG TERMINALA KEROZINA I BENZINSKE PUMPE U SVOM NASELJU!

Aktivisti neformalne grupe građana Spas u zadnji čas – Spasimo Dobrinju su u posljednjih godinu dana vodili aktivnu kampanju sa ciljem da spriječe gradnju kompleksa koji uključuje benzinsku pumpu, skladište kerozina, hotel i druge popratne objekte. U toku kampanje je dokazano da su dozvole koje su izdate od nadležnih institucija donesene mimo zakona i da se ovaj kompleks ne bi smio graditi na mjestu na kojem se trenutno gradi jer se radi o trećoj vodozaštitnoj zoni Sarajeva i može ugroziti pitku vodu cijelom gradu. S obzirom da su nadležne institucije, počevši od Općine Novi Grad Sarajevo, ignorisale zahtjeve i upozorenja građana, još ranije ove godine su pokrenute krivične prijave protiv osoba koje su učestvovali u izdavanju spornih dozvola. U julu ove godine, uz podršku drugih organizacija civilnog društva su pokrenuti upravni sporovi protiv urbanističke saglasnosti i građevinske dozvole koje su izdate od strane Općine Novi Grad pred Kantonalnim sudom u Sarajevu. Pored toga, aktivisti neformalne grupe su posljednjih mjeseci još jednom putem javne kampanje pozvali sve nadležne institucije i pojedince da zaustave spornu gradnju dok se još nije desila katastrofa koja bi značila zagodenje pitke vode u Sarajevu. Svojevremeno su iz neformalne grupe „Spas u zadnji čas – Spasimo Dobrinju“ izjavili da neće odustati od svoje borbe i da će iskoristiti sve pravne i druge mehanizme kako bi dokazali kršenje zakona u ovom slučaju.





AKTIVISTI NEFORMALNE GRUPE GRAĐANA GORAŽDE BEZ PESTICIDA ORGANIZOVALI NIZ AKTIVNOSTI SA CILJEM SPRJEČAVANJA NELEGALNE UPOTREBE PESTICIDA U NASELJENOM MJESTU

Aktivisti neformalne grupe građana Goražde bez pesticida su u proteklom periodu nastavili sa aktivnostima u borbi protiv nelegalne i nepravilne upotrebe pesticida u naselju Rasadnik u Goraždu. Protekli period su obilježile ulične akcije podjeli letaka koje je ova grupa organizovala. Članovi i aktivisti su okviru borbe protiv nelegalne i nepravilne upotrebe pesticida uputili Zahtjev za sastanak sa ministrom privrede BPK. Nakon što je ova grupa billboard kampanjom tražila od ministra privrede da raskine Ugovor o zakupu poljoprivrednog zemljišta, ministar je upriličio sastanak sa članovima NGG i pomoćnikom ministra za poljoprivredu. Na tom sastanku ministar je upoznat sa problemom, nepravnostima i nezakonitostima koje su se desile prilikom sklapanja Ugovora o zakupu poljoprivrednog zemljišta 2013. godine. Ministar je obećao da će preispitati navode u dopisu koji je ova neformalna grupa u nekoliko navrata slala ministarstvu privrede Bosansko-podrinjskog kantona ali i ostalim nadležnim institucijama. Aktivisti najavljuju nastavak borbe protiv nelegalne i nepravilne upotrebe pesticida u njihovom naselju.

“Mi nećemo odustati – iskoristit ćemo sve pravne lijekove u ostvarenju svog cilja – nećemo stati dok se trajno ne zaustavi nelegalna i nepravilna upotreba pesticida u urbanom području. Zbog toga pozivamo Grad Goražde i Ministarstvo privrede BPK da raskinu ugovor o zakupu poljoprivrednog zemljišta i na taj način zaštite zdravlje i interes građana“, rekli su iz neformalne grupe građana Goražde bez pesticida.



GRAĐANI TREBINJA TRAŽE DA SE SPRIJEĆI GRADNJA NA POLJOPRIVREDNOM ZEMLJIŠTU!

Zakonom o arondaciji 1963. godine tadašnja država je oduzimala zemlju uz minimalnu nadoknadu na koju određeni broj građana nikada nije pristao. Arondacija je u konkretnom slučaju na području Trebinja, urađena u svrhu ukrupnjavanja posjeda u korist poljoprivrednog kombinata i samo u svrhu poljoprivredne proizvodnje i njegova prenamjena nije moguća. Bez obzira na sve Grad Trebinje planira to zemljишte pretvoriti u građevinsko iako postoji cijeli niz razloga zašto to nije dozvoljeno. Između ostalog radi se obradivom zemljишtu 1. klase na kojem se u blizini nalaze voćnjaci i vinogradi, koji građanima osiguravaju izvor prihoda. Također, na Pridvoračkom polju (u čijem je sastavu i sporna lokacija) je prije dvije godine otvoren sustav za navodnjavanje u koji su uloženi milijuni KM.

Kako Vlada i NSRS, te lokalne institucije ignoriraju napore grupe da pravnim putem sprijeći pretvorbu poljoprivrednog u građevinsko zemljишte i na sve moguće načine koji su suprotni zakonima pokušavaju ishodovati dozvole za gradnju na ovom zemljишtu, predstavnici grupe ne odustaju u svojim namjerama da to spriječe. Organiziran je promotivni stand na kojem se okupila veća skupina građana (članova grupe) kako bi protestirali protiv ovih nezakonitih radnji jedinice lokalne samouprave. Uputili su dopis Pravobraniteljstvu BiH kako bi za tražili njegovu intervenciju po pitanju nezakonitih radnji koje je provelo Pravobraniteljstvo RS pri prijenosu vlasništva sa države BiH na entitet RS. Obratili su se i Visokom predstavniku jer je ovim prijenosom prekršen Zakon o raspolaganju državnom imovinom nametnut od strane Visokog predstavnika.



SPU
Slobomir P Univerzitet
Visoka Škola za poslovne studije

U BIH 39 AKREDITOVANIH VISOKOŠKOLSKIH USTANOVA

Neformalna grupa studenata "Akreditovane visokoškolske ustanove - priznate diplome" utvrdila je listu 39 visokoškolskih ustanova, upisanih u Državni registar visokoškolskih ustanova u BiH kod Agencije za razvoj visokog obrazovanja (HEA BiH), nakon što su ovog ljeta posljednje 3 upisane („Slobomir P univerzitet“ iz Bijeljine, Evropski univerzitet „Kallos“ Tuzla i Visoka škola za turizam i menadžment u Konjicu).

Prema mapi akreditovanih visokoškolskih ustanova, koju će uskoro na prigodan način promovisati neformalna grupa građana koja okuplja studente i druge zainteresovane za uređeno visoko obrazovanje u BiH, u Federaciji BiH je ukupno 22 visokoškolske ustanove sa važećom registracijom. U odnosu na prošlogodišnju listu akreditovanih visokoškolskih ustanova u FBiH, koju su takođe izradili studenti, iz ovog grada „ispao“ je Američki univerzitet u Bosni i Hercegovini.

U ovom entitetu, u odnosu na prošlogodišnje stanje, sa radom je prestala Visoka škola za informacione tehnologije, ekonomiju i preduzetništvo Banja Luka, a sa radom u akademskoj 2020/2021.godine rad je ugasio i Komunikološki koledž u Banjaluci, "Kapa Fi".

Prošle godine u ovo vrijeme u Brčko distriktu akreditovana je bila samo jedna visokoškolska ustanova, a sada ih je trenutno tri. Iz neformalne grupe građana su ranije ukazali da je porazna činjenica da Savjet ministara Bosne i Hercegovine, sada već u isteklom mandatu, nije usvojio Strategiju za borbu protiv korupcije BiH 2020-2024 i Akcioni Plan za sprovođenje Strategije za borbu protiv korupcije BiH 2020-2024. Odnosno, Strategija za borbu protiv korupcije BiH 2015-2019 i Akcioni Plan za sprovođenje Strategije za borbu protiv korupcije BiH 2015-2019. godine prestali su da važe.



STUDENTSKI AKTIVISTI UKAZALI NA SPORNE ODREDBE U IZMJENAMA I DOPUNAMA ZAKONA O VISOKOM OBRAZOVANJU

O temi neakreditovanih visokoškolskih ustanova, a samim tim i o izdavanju diploma sa kojima studenti često imaju poteškoće pri nastavku obrazovanja ili pri zaposlenju, studenti su pisali i obavještavali medije, ali su odlučili da iskoriste period pred upisne rokove na visokoškolske ustanove širom Republike Srpske, te direktno informišu sve koji su zainteresovani za visoko obrazovanje.

Tokom jula mjeseca, pred drugi upisni rok na akademsku 2022/2023 godinu, studentski aktivisti su dijelili letke u gradovima Banjaluci, Doboju i Bijeljini, te kroz razgovor građane informisali na koji način mogu provjeriti akreditaciju visokoškolske ustanove koju žele izabrati za svoje visoko obrazovanje. Leci su sadržavali listu akreditacija na nivou Republike Srpske, ali i na nivou Bosne i Hercegovine. Studenti su takođe sa ciljem informisanja zainteresovanih pokrenuli bilbord kampanju koja je privukla veliku pažnju, prigodnom karikaturom predstavili su problem zaposlenja sa diplomom sa neakreditovane visokoškolske ustanove, čime su ih nastojali animirati da putem zvaničnih registara provjeravaju ne samo da li određene VŠU imaju akreditaciju, već i kako je tekao proces akreditovanja.

Studenti su, takođe, obavili i intervju sa predstavnicima Agencije za visoko obrazovanje Republike Srpske, od kojih su dobili odgovore na najvažnija pitanja koja se tiču studentske populacije, te budućih akademaca.

Pored informisanja javnosti o temi akreditacija, studentski aktivisti su učestvovali u Javnoj raspravi povodom izmjene Zakona o visokom obrazovanju RS, te dali svoje sugestije na sporne članove Zakona, na koje su ukazali i obraćanjem resornom ministarstvu. Jedan od njih je svakako i to da će se, ukoliko izmjene budu usvojene, akreditovanim smatrati i svaka visokoškolska ustanova koja ima početnu dozvolu za rad, što smatraju nedopustivim.

Studentski aktivisti pozivaju sve zainteresovane da se priključe njihovom aktivizmu, jer je tema visokog obrazovanja jedna od najvažnijih u svakom društvu.

PROVJERI U OKVIRU KOJE VISOKOŠKOLSKE USTANOVE UPISUJEŠ FAKULTET, NISU SVE AKREDITOVANE!



PROVJERI NA



WWW.HEA.GOV.BA

NE DOZVOLI DA TI SE OVO DOGODI!



Podržano od:



STUDENTI BRČKO DISTRINKTA BIH U BORBI ZA PRZNATE DIPLOME AKREDITOVANIH VISOKOŠKOLSKIH USTANOVA!

Studentski aktivisti u Brčko Distriktu BiH kontinuirano su tokom ljetne pauze, a pred upisne rokove na visokoškolske ustanove u ovom gradu radili na animiranju građana da se informišu o problemima, po registru piše akreditovanih visokoškolskih ustanova na nivou Bosne i Hercegovine, uključujući i situaciju u Distriktu.

Organizovanjem akcije dijeljenja letaka u svom gradu, studenti su omogućili sugrađanima koji imaju u planu da se akademski obrazuju, da budu informisani o raspoloživim akreditovanim VŠU.

Prateći svoje kolege studente iz drugih aktivističkih studentskih grupa, karikaturom na bilbordu u svom gradu ukazali su na problem sa zapošljavanjem svršenih akademaca, ukoliko njihova fakultetska diploma nije izdata od akreditovane ustanove.

Do početka ove godine u Brčko distriktu akreditovana je bila samo jedna visokoškolska ustanova, a sada ih je trenutno tri. Visokoj školi računarstva i poslovnih komunikacija eMPIRICA, od februara ove godine pridružile su se i smatraju se akreditovanim i Evropski univerzitet Brčko distrikta BiH i Internacionalni univerzitet, Brčko distrikta BiH.

USPJEŠNE KAMPANJE U BORBI PROTIV KORUPCIJE



Borba protiv korupcije u porodilištima

U okviru kampanje „Zajedno protiv korupcije u porodilištima“, udruženje Baby steps se fokusiralo na ostvarivanju saradnje i dijaloga sa akterima koji kroz svoje djelovanje utiču na rješavanja problema korupcije u porodilištima, a posebno na dogovor saradnje sa porodilištima u cilju izrade elektronskog sistema za ocjenu uslova i prisustva korupcije u porodilištima, te prijavu korupcije. Nakon sadržajnog i tehničkog usklađivanja, tri porodilišta su dala saglasnost (Banja Luka, Tuzla i Sarajevo), dok su u narednom periodu planirani sastanci i dogovori sa porodilištem u Bijeljini. U okviru prijedloga saradnje, dogovorene su i edukacije medicinskog osoblja o prevenciji korupcije.

U septembru je održan okrugli sto u Banja Luci, na temu “Uticaj uslova u porodilištu na zdravstvene radnike, pacijente i pojavu korupcije”. Uticaj uslova u porodilištu na zdravstvene radnike, pacijente i pojavu korupcije važna je tema u kojoj su sve okupljene strane iznijele i svoja iskustva, svoje probleme i težnju da se stanje popravi. Svi su se složili da je nedostatak edukacije – pogotovo u onom dijelu koji se odnosi na samu komunikaciju pacijent-doktor, itekako važan segment koji bi mogao pomoći da svi budu zadovoljni.

U prethodnom periodu je izrađena platforma za podjelu anonimnih iskustava iz porodilišta, gdje porodilje mogu podijeliti svoju priču, ali i pročitati sva prikupljena iskustva ili razvrstana po porodilištima, kao i pogledati video iskustva porodilja. (<https://babysteps.ba/iskustva/>)

Uz sve to, Udruženje je organizovalo druženja sa porodiljama u Banjaluci i Sarajevu, te redovno pruža podršku porodiljama koje se obrate Udruženju. S obzirom da su porodilje korisnice projekta i ciljna skupina, izdvajamo par rečenica koje su one podijelile sa nama o važnosti našeg rada za njih:

„Trebao mi je neko da ovo napišem i ispričam, ja se nadam da će vaša organizacija izaći na veliko! Da budete uspješni u vašem cilju i da naša porodilišta postanu takva kakva trebaju biti!“

„Puno Vam hvala na dogovoru, počinjem pratiti Vaš rad nakon jedne radionice, i veoma mi je bitno da imamo jednu takvu organizaciju na našem području. Rado ću podržati inicijativu peticijom, pričanjem među poznanicima.“

„Ja sam svoj lijek našla u svom iskušenju, a Vi ćete mi pomoći tako što ćete pomoći svim drugim ženama da dođu do svojih prava.“

Podrška uključivanju građana Kantona 10/HBŽ u borbu protiv korupcije pri zapošljavanju u javnom sektoru

Centar za građansku suradnju Livno provodi kampanju „Podrška uključivanju građana Kantona 10/HBŽ u borbu protiv korupcije pri zapošljavanju u javnom sektoru“. Oni su ohrabreni podrškom koju im je tokom održanog sastanka iskazao Ministar pravosuđa i uprave HBŽ, gosp. Milan Bašić, krenuli još snažnije u provođenje preostalih aktivnosti iz projekta. Uz suradnju s državnim službenicima iz Ministarstva pravosuđa i uprave napravljeni su nacrti izmjena pravnih propisa iz oblasti zapošljavanja u javnom sektoru i kao takvi poslani na adresu navedenog Ministarstva na dalju proceduru. Ministar Bašić će napravljene izmjene pravnih propisa predložiti na sjednici Vlade K10/HBŽ kada se za to steknu uvjeti.

Nakon toga je slijedilo zagovaranje i održavanje sastanaka s ostalim članovima Vlade kako bi osigurali potrebnu podršku prilikom izglasavanja predloženih izmjena. Održani su sastanci s pet ministara/ica, dok do ministra financija, ministricice gospodarstva i ministra unutarnjih poslova nisu uspjeli doći, što ne znači odustajanje.

Posebno ističu kako su održani sastanci bili izuzetno kvalitetni, konstruktivni i nadaju se kako će članovi i članice Vlade iskazati obećanu podršku tokom izglasavanja izmjena.

Besplatnu pravnu pomoć pružaju građanima koji su oštećeni prilikom pokušaja zapošljavanja u javnom sektoru i procedurom zapošljavanja. Svi zainteresirani/e se mogu obratiti za besplatnu pravnu pomoć i savjetovanje utorkom i četvrtkom od 11 do 14 sati, na e-mail: bpp.cgs@gmail.com, broj telefona: 034/202-770 ili osobno u prostorije Centra za građansku suradnju na adresi Gabrijela Jurkića 16 (Livnoputovi), 80101 Livno. Pozivamo građane i građanke da prijave korupcije, nepotizam i stranačko zapošljavanje!

STOP
korupciji, nepotizmu i stranačkom zapošljavanju
u javnoj upravi Hercegbosanske županije /Kantona 10

Prijavite!

- ✓ Kantonalmu tužiteljstvu K10
Livno - 034 201 012
- ✓ Policiji K10 - 034 201 900
- ✓ SIPA - Telefonska linija
„Krimolovci“ - 080 020 505
- ✓ Transparency International -
0800 55555

- Stručna spremna
 Radno iskustvo
 NAŠ!





Pobjeda aktivista, zaustavljena anarhija u visokom obrazovanju na Tuzlanskom kantonu

Konačnim izmjenama Zakona o visokom obrazovanju na Tuzlanskom kantonu zaustavljena je anarhija prilikom procesa izdavanja akreditacija za univerzitete, tretiranja diploma sa neakreditovanih univerziteta, načina osnivanja novih visokoškolskih ustanova kao i uspostavljanja nadležnih tijela koji će kontrolisati zakonitost rada visokoškolskih ustanova na Tuzlanskog kantonu.

Zahvaljujući aktivistima okupljenim oko pokreta „Karton revolucija“ kao i časnim pojedincima unutar sistema kreirane su izmjene Zakona kojima je određen jasan rok za akreditaciju visokoškolskih ustanova, uspostavljena je inspekcija za visoko obrazovanje koja će nadgledati zakonitost rada univerziteta dok o davanju saglasnosti za otvaranje novih fakulteta i univerziteta više neće odlučivati dva ili tri čovjeka unutar Vlade TK-a nego Skupština Tuzlanskog kantona. Pored navedenog sve visokoškolske ustanove koje su imale nejasan pravni status ili su izdavale diplome upitne validnosti su konačno u potpunosti pravno regulisale svoj položaj unutar sistema.

Na ovaj način se po prvi put na Tuzlanskom kantonu sistemski tretirala korupcija u visokom obrazovanju koja je pored zadovoljavanja interesa pojedinaca ili grupe stvarala velike probleme i „rupe“ unutar sistema kada je u pitanju sticanje i tretiranje akademskih zvanja.

Kako bi na pravi način prikazali ovu važnu pobjedu građana i građanki Karton revolucija je na Trgu Slobode u Tuzli kao završnu aktivnost u okviru kampanje „Karton revolucija protiv korupcije i nepotizma u obrazovanju“ organizovala i izložbu fotografija na kojoj je prikazana hronologija borbe za izmjene Zakona o visokom obrazovanju Tuzlanskog kantona. Pored fotografija puštani su i video sadržaji nastali za vrijeme kampanje a koji su izazvali veliku pažnju javnosti. Na ovaj način je još jednom dokazano da građanski aktivizam može dati velike rezultate kada je u pitanju borba protiv korupcije.



KONJUH OD KORUPCIJE OD SADA ČUVAJU NJEGOVA DJECA!

Borba građana i građanki Tuzlanskog kantona za spas planine Konjuh sve je više prepoznata kako od strane samih stanovnika tako i od predstavnika institucija. Zbog svjesnosti nedostatka resursa u ljudstvu, materijalnim i tehničkim kapacitetima kao izostanka kvalitetnih zakonskih regulativa, Javna ustanova Zaštićeni pejzaž „Konjuh“ i Građanski pokret „Buđenje“ su uspostavili protokol o međusobnoj saradnji koji se ogleda u uspostavljanju zajedničkog nadzora nad prostorom zaštićenog pejzaža. Ovo je ujedno i jedan od prvih slučajeva da je javna institucija na direktni način prepoznala jedan građanski pokret kao relevantnu adresu kojoj građani mogu dojaviti slučajeve korupcije kao i druge nezakonite radnje. Navedeni potez naišao je na veliko odobrenje javnosti. Nakon uspješnog uspostavljanja zajedničkog nadzora aktivisti okupljeni oko Karton revolucije su na prostoru Banovića, Živinica i Tuzle organizovali potpisivanje građanske inicijative sa zakonskom osnovom u skladu sa statutima pomenutih općina i gradova kao i Ustavom Tuzlanskog kantona. Na ovaj način se tražila podrška građana i građanki za izmjene Zakona o proglašenju dijela planine Konjuh zaštićenim područjem odnosno krenulo sa stvaranjem preduslova za zaustavljanje korupcije prilikom eksploatacije prirodnih resursa. Veliki broj građana je podržao inicijativu i osigurano je tri puta više potpisa od potrebnih za pokretanje inicijative na općinskim i gradskim vijećima odnosno pred Skupštinom Tuzlanskog kantona.

Koliko je važna borba koju aktivisti na Tuzlanskom kantonu vode dokazuje i činjenica da su nakon realizovanih aktivnosti uspostavljanja zajedničkog nadzora i potpisivanja građanske inicijative bili suočeni sa prijetnjama od strane uposlenika JP „Šume“ Tuzlanskog kantona. Navedene prijetnje su evidentirane u MUP-u TK-a i nadležne institucije trenutno rade na procesuiranju odgovornih lica.





ZAJEDNO ZA ORTOPEDSKA I DRUGA POMAGALA BEZ KORUPCIJE

Udruženje distrofičara Bužim je u toku perioda juli-septembar u okviru svoje kampanje "Zajedno za ortopedska i druga pomagala bez korupcije" uspjelo uspostaviti kvalitetnu saradnju sa Zavodom zdravstvenog osiguranja USK-a i Ministarstvom zdravstva USK-a, a koja je formalno potvrđena sa potpisivanjem Memoranduma o saradnji na polju prevencije i borbe protiv korupcije kod nabavke ortopedskih i drugih pomagala u USK-a, kojeg je udruženje potpisalo sa ove dvije institucije. Prema dogovoru sa rukovodstvom Zavoda, udruženje je uputilo ukupno četiri inicijative prema Zavodu kojim se traži usvajanje antikoruptivnih akata za borbu protiv korupcije unutar Zavoda i donošenje mjera za prijavu koruptivnih radnji, povećanje kvaliteta i kvantiteta ortopedskih pomagala za korisnike, pojednostavljanje procedura pribavljanja pomagala, te uključivanje reprezentativnih predstavnika OCD-a u nadležne Komisije za izdavanje ortopedskih i drugih pomagala.

Udruženje je u proteklom periodu uradilo istraživanje o nabavci ortopedskih i drugih pomagala u USK-a, kojim su obuhvatili korisnike pomagala, ortopedske kuće, organizacije osoba sa invaliditetom i sam Zavod, te kroz pisani izvještaj koji su javno objavili predstavili sliku trenutnog stanja. Postupajući po prvoj inicijativi, Zavod je već pripremio nacrt antikoruptivnih akata za borbu protiv korupcije unutar Zavoda koje bi Upravni odbor trebao usvojiti na nekoj od narednih sjednica, čime će se po prvi put stvoriti pravni instrumenti za borbu protiv korupcije i zloupotreba kod nabavke ortopedskih i drugih pomagala u USK-a.

U cilju da se dobije šira politička i javna podrška za implementaciju svih podnijetih inicijativa, Udruženje distrofičara Bužim je tokom mjeseca septembra održalo sastanke sa četiri zastupnika u Skupštini USK-a (Zikrija Duraković – Pomak, Hajrudni Halilović – NES, Nisvet Jusić – SBiH i Muhidin Šertović – SDP). Od zastupnika su dobili pohvale što se bave ovom specifičnom i važnom temom za svoje članove, ali su dali i konkretne prijedloge za poboljšanje stanja. Tako je Dr. Halilović istakao da bi uvođenje trajnih naloga za izdavanje ortopedskih pomagala za lica sa trajnim invaliditetom mnogo pojednostavilo i ubrzalo pribavljanje pomagala korisnicima, a Dr. Šertović je istakao da bi uključivanje predstavnika udruženja u nadležne Komisije i druga tijela Zavoda mnogo koristilo korisnicima pomagala jer niko bolje ne poznaje probleme i potrebe od samih korisnika. Zastupnik opozicije Zikrija Duraković je naglasio da ovi problemi trebaju biti prioritet budućih vlasti, te izrazio očekivanje da će ih zajednički što prije rješavati. U cilju usvajanja svih podnesenih inicijativa, u narednom periodu Udruženje distrofičara Bužim će održati brojne sastanke sa predstavnicima političkih partija, novoizabranim vlastima i rukovodstvima zdravstvenih ustanova, ali putem uličnih akcija u šest općina USK-a peticijom tražiti podršku građana za usvajanje upućenih inicijativa.



POVEĆANJE ODGOVORNOSTI PROCESA UTROŠKA JAVNIH SREDSTAVA ZA ODRŽIVI POVRATAK U BIH

Unija za održivi povratak i integracije u BiH je kroz kampanju "Povećanje odgovornosti procesa utroška javnih sredstava za održivi povratak u BiH" napravila napredak, a to je uspostava monitoring mreže u lokalnim zajednicama, izrada baze podataka o izdvojenim sredstvima sa svih nivoa vlasti za 20 općina obuhvaćenih projektom objavljena na web stranici UZOPI, te identificirani primjeri nemajenskog i nedosljednog trošenja budžetskog novca.

Uspostava komunikacije, odnosno prakse kroz angažman monitoring timova sa lokalnim vlastima kako bi se analiziralo namjensko trošenje sredstava je ostvaren napredak. Uočene netransparentnosti u trošenju sredstava upućuju na potrebu revizorske analize trošenja sredstava.

Uočeno je da u mjesnim zajednicama gdje se novac opredjeljuje, povratnici ne znaju koliko je novca dodijeljeno npr. za izgradnju lokalnog puta, obnovu kuća. Zašto je put nedovršen, a istovremeno je izgrađen u susjednoj mjesnoj zajednici/naselju. Sadržaj i ciljevi ovog projekta nisu definirali iznalaženje pozitivnih praksi, već naprotiv netransparentnost trošenja novca, što podrazumijeva brojne izazove, napor, poseban angažman kroz formalno, ali i neformalno djelovanje kako bi se utvrdili primjeri loše prakse u trošenju sredstava za pomoći povratnicima. Zato u ovom slučaju otkrivanje negativnih primjera znači ostvaren napredak.

Dokumentovano je utvrđeno da je povratnicima u selu Lokve u općini Čapljina urađen dio puta do njihovih domova a drugi dio nije završen na dionici puta Gagrice - Lokve dužine 650 metara.

Iako se država BiH kreditno zadužila kod CEB (Centralne Evropske banke,) za zatvaranje Kolektivnih centara u Tasovčićima u općini Čapljina raseljene osobe još uvijek žive u neuslovnom kolektivnom centru, i ne znaju do kada.

Monitori su u općini Bosansko Grahovo identificirali da je javni novac utrošen za izgradnju stambenog objekta u koji se nisu uselili oni kojima je zgrada prвobitno bila namijenjena.

U općini Prijedor, povratnici sufinansiraju infrastrukturu (puteve) u vrijednosti od 40%, a da pri tome nemaju uvida u cjelokupna izdvojena sredstva. Obilaskom općina Foča, Foča – Ustikolina, Čajniče i Goražde uočeno je da se javna sredstva namijenjena za povratnike zadržavaju na računu, neiskorištena. Od aplikacije do realizacije prođe i po nekoliko godina, cijene porastu, a nakon toga se taj novac preusmjeri na druge projekte. Također, sredstva se preusmjeravaju iz jedne u drugu mjesnu zajednicu zbog većeg broja glasača u toj mjesnoj zajednici.



TRANSPARENTNO FINANSIRANJE NEPROFITNIH ORGANIZACIJA IZ BUDŽETA BRČKO DISTRINKTA

Brčko distrikt BiH je grad koji raspolaže budžetom od preko 300 miliona KM, ali nedovoljno finansijskih sredstava ulaže u sport. Znatan broj sportskih klubova sa bogatom sportskom istorijom je prestao da radi sa omladinskim selekcijama ili se u potpunosti ugasio. Sport u Brčko distriktu je ugrožen - igrališta su gotovo prazna, zapuštena i nimalo bezbjedna. U ranijih godina propagiralo se da je neophodno detaljnije uređenje oblasti sporta da bi on ostao imun na korupciju. To se jedino može izvršiti izmjenama zakona. Nakon sastanka sa šefom Odjeljenja za privredni razvoj, sport i kulturu inicijativa omladinskog centra Vermont u sklopu kampanje „Transparentno finansiranje neprofitnih organizacija iz Budžeta BD“ je najzad usvojena. Dana, 8.9.2022. godine Skupština Brčko distrikta na 30. redovnom zasjedanju, u prvom čitanju, usvojila nacrte zakona o dopuni Zakona o sportu i o izmjenama i o dopunama Zakona o udruženjima i fondacijama Brčko distrikta. Na sjednici Skupštine navedeno je da je glavni cilj izmjene navedenih Zakona - unaprijediti finansiranje sporta u Brčko distriktu BiH i da sportski kolektivi dobiju sredstva koja zaslužuju.



KAMPANJA ZA UOČAVANJE I SPREČAVANJE PROBLEMA U TOKU RADA UREDA ZA RAZMATRANJE ŽALBI BIH

U sklopu kampanje za uočavanje i sprečavanje problema u toku rada Ureda za razmatranje žalbi BiH UPTIS-a je izvršio detaljnu analizu dostupnih podataka o radu URŽ-a BiH. Iz ove analize došlo se do zanimljivih podataka a to je da je između ostalog u 2019. godini zabilježen neznatan pad zaprimljenih žalbi od 11,55% u odnosu na 2018. godinu. U 2019. godini broj žalbi podnesenih pred URŽ iznosio je 3.230. Kancelarija je u 2019. godini zaprimila 3.230 žalbi, od čega je ukupan broj riješenih žalbi 3.025, a broj neriješenih žalbi koje su zaprimljene 2019. godine i nisu riješene zbog vremena kompletiranja je 205. Broj žalbi koje su prenesene iz 2018. godine i riješene u toku 2019. godine iznosi 244. Od ukupnog broja riješenih žalbi u toku 2019. godine broj uvaženih žalbi je 1.232. Analiza podataka je ustanovila da je tokom 2020. godine, ponovo porastao trend zaprimljenih žalbi za 15,5% u odnosu na 2019. godinu. U 2020. godini broj žalbi podnesenih pred URŽ iznosio je 3.868. Takođe u 2021. godini broj žalbi podnesenih pred URŽ iznosio je 3.782. U odnosu na 2020. godinu zabilježen je pad od 10,22%. Pad broja zaprimljenih žalbi je uzrokovani neusvajanjem budžeta za 2021. godinu što je rezultiralo manjim obimom nabavki kod ugovornih organa a s tim i manjim obimom žalbi.

U periodu od potpisa ugovora u mjesecu septembru 2022. naši konsultanti su izvršili pripremu i upload ankete koja je anonimna koja bi trebala da odgovore o stepenu zadovoljstva i percepciji rada URŽ BIH od strane učesnika u procesima javnih nabavki.

Na jednom od seminara koji je održan tokom mjeseca septembra održana je i kratka fokus grupa i upoznavanje šire javnosti o projektu kao i aktivnosti koje slijede tokom trajanja projekta i dobiveni preliminarni inputi o doživljaju URŽ-a.





STOP NEZAKONITOM ZAPOŠLJAVANJU

Udruženje Demos je u okvir projekta „Stop nezakonitom zapošljavanju“ održao dva sastanka sa predstavnicima političkih subjekata koji participiraju u vlasti Brčko distrikta, te su dio skupštinske većine u Skupštini Brčko distrikta. Sastanci su održani sa predsjednikom OO SDSa i predsjednikom OO PDPa, prilikom kojih im je prezentovan projekat kao i ciljevi koje namjeravamo postići, te ideja o inicijativi koja bi trebala da bude usmjerena na izmjene i dopune zakonskih rješenja koja trenutno daju mogućnost angažovanja „ugovoraca“ u Vladi Brčko distrikta, koji nisu ništa drugo do klasični primjer političke korupcije, jer im ugovori bivaju produžavani samo ukoliko su lojalni partiji koja im je pomogla oko angažovanja. Pored toga, trpe diskriminaciju u odnosu na sve druge, svoje radne kolege koji su angažovani na određeno ili neodređeno, a obavljaju isti, a ponekad i širi obim poslova.

Na sastancima su dobili podršku za upućivanje inicijative te uvjeravanja da će se u narednom periodu poraditi na tome da se angažovanim dodijele uskraćena prava, ali uz uslov da oni, predstavnici civilnog sektora, budemo inicijatori promjena, jer političke partije imaju strah da će im se odsustvo takvog vida angažovanja ljudi odraziti na manji broj glasova, jer je činjenica da se na taj način kupuje naklonost velikog broja glasača. Postignute dogovore na sastancima, kako navedenim tako i prošlim, udruženje Demos koristi da modifikujemo prijedlog inicijative koji će svjetlo dana ugledati u prvim danima desetog mjeseca, nakon izbora, iz razloga što u predizbornim mjesecima politički akteri imaju samo jedan jedini cilj, a to je što bolji izborni rezultat.

Ulična akcija ukazivanja na problem prisustva korupcije pri zapošljavanju, sa akcentom na angažovanje lica po ugovorima van radnog odnosa, popularnih „ugovoraca“ u institucijama Brčko distrikta, tokom koje su zainteresovanim građanima dijelili promotivne materijale, kao i živu riječ o namjerama i ciljevima projekta, organizovana je 25.08.2022. godine na Trgu mladih u centru Brčkog. Tokom akcije, volonteri i članovi organizacije, mnogobrojnim zainteresovanim pojasnili su fenomen koji je u fokusu projekta „Stop nezakonitom zapošljavanju“ te im u razgovoru predstavili namjeru podnošenja inicijative čije usvajanje bi riješilo problem diskriminacije pri angažovanju ovakvih lica, kao i transparentnost pri angažovanju lica po ovim osnovama u obrazovanju, jer je najveći broj lica angažovan po ugovorima ovog tipa upravo u obrazovanju.



Od građana su dobili podršku uz želje za uspjehom, uz određenu dozu uzdržanosti iz razloga što je ovakvo stanje na sceni već godinama i niko se do sada nije drznuo da ga mijenja, upravo zbog činjenice da pogoduje svim političkim partijama. Tokom ulične akcije ukazali su i na diskriminaciju kojoj su izložena lica angažovana po ovim osnovama, zbog činjenice da su im ugrožena mnoga radnička prava, iako često rade iste, ako ne i obimnije poslove od kolega angažovanih na određeno ili neodređeno.

30.09.2022.godine organizovali su performans na Trgu mladih u centru Brčko distrikta kojim su slikovito prikazali odnos političkih partija prema licima angažovanim po ugovorima van radnog odnosa, popularnim „ugovorcima“ kroz koje političke partije ostvaruju bolje izborne rezultate. Prikaz lutka Zlatka kojim se upravlja sa strane, pravi je prikaz odnosa politička partija – politički aktivisti koji nisu ništa drugo do oruđe u rukama političkih partija kojim političari ostvaruju svoje ciljeve. Zapošljavanje političkih aktivista po ugovorima van radnog odnosa „ugovoraca“ predstavlja primjer političke korupcije. Mnogobrojni građani su bili zainteresovani da se informišu o problemu koji projekat „Stop nezakonitom zapošljavanju“ obrađuje te da se detaljno upoznaju sa diskriminacijom kojoj su lica angažovana po ugovorima van radnog odnosa izložena.



ANTIKORUPCIJA

Izdvajamo 3 najčitanije vijesti sa portala antikorupcija.info:

Gradanski aktivizam
PREGRAĐIVANJE RIJEKE BOSNE KOD DOBOJA UZNEMIRILO GRAĐANE, KOJI SU POSUMNJALI DA SE DEŠAVA OPET NEŠTO NELEGALNO (VIDEO)
© 27.07.2022. | Ljilj. Antikorupcija

Kako bi pribavili relevantne informacije o novim iskopavanjima u koritu rijeke Bosne kod gradskog mosta naš portal se obratio preduzeću „Lumin Kop“, Doboju, čija mehanizacija izvodi radove.

A Progrđivanje rijeke Bosne kod mosta u blizini Željezničke stanice u Doboju

Gledajte na YouTube

Gradani u akciji

BESPREVJEDNO PREGRAĐIVANJE KORITA RIJEKE BOSNE, BEZ REAKCIJE NADLEŽNIH, U VIDI SANKCUA... Građanski aktivizam
BOŽOĐAR JOVIĆ: ZIVIMO U PRELUPIJU DULJU SVIJETU, IMAMO PRISTUP BOGATSTVA, RODE... Građanski aktivizam
NIEGOŠ U DOBOŽU: NIJDAN SRBIN, ĐOSNIK, HRVAT, SLOBODNI GRADJANI, NE TREBA DA SE PLAŠI... Građanski aktivizam
RADNICI "MITALA" ODBILI PONUDU OD 600 KM, PRIPREMAJU GENERALNI STRAJK Radnički protesti
RADNICI „JAVANE“ PROTESTOVALI ISPRED GRADSKIH UPRAVE RADNIČKI PROTESTI Radnički protesti
KREŠEVIĆ GRADANSKI POKRET: MINISTARSTVO PROVREDJE SRK JOŠ NIJE RASKINULO SPORN... Građanski aktivizam
KAKANJSKI GRADANSKI AKTIVISTI: NAPREDOK STIMULISANOM BEZAKONIOM INSTITUCIJA VLASTI... Građanski aktivizam
KOALICIJA ZA ROD I KLIMU U BIH - LICE SIROMAŠTVA USTVARI IMA LICE Žena

»PREGRAĐIVANJE RIJEKE BOSNE KOD DOBOJA UZNEMIRILO GRAĐANE, KOJI SU POSUMNJALI DA SE DEŠAVA OPET NEŠTO NELEGALNO (VIDEO)«

Jučer započeti i danas (27.07.2022.) nastavljeni radovi na pregrađivanju rijeke Bosne, kod mosta koji grad spaja sa Željezničkom stanicom u Doboju, alarmirali su aktiviste neformalne grupe građana „Za legalnu i kontrolisanu eksploataciju šljunka u slivu rijeke Bosne“, koji su posumnjali da se radi o nezakonitom iskopavanju minerala.

Nastavak možete pročitati na:
www.antikorupcija.info

»ŠTA SE DESILO U MEHORIĆU I KO JE ODGOVORAN? (VIDEO)«

Kakanjski aktivisti okupljeni oko neformalne grupe „Park prirode Trstionica i Boriva“ su, zahvaljujući podršci CCI-a i USAID-a, objavili kratki video kojim javnosti žele približiti dešavanja na lokaciji Mehorić u poslednjih nekoliko mjeseci. Posebno su se fokusirali na reakcije lokalne samouprave, nadležnih institucija i njihovih predstavnika, tačnije na nedostatak zainteresiranosti, konkretnih odgovora i transparentnosti u donošenju odluka. S druge strane, istakli su podršku na koju su naišli kada su se obratili mještanima. Zajedničkim akcijama, snagom volje i posvećenošću cilju, uspjeli su da izmjesti sporno postrojenje, nelegalno izgrađeno na teritoriji Mehorića. Betonara je otišla, ali su ostala pitanja za nadležne: Zašto se ovo desilo? Ko je odgovoran za devastaciju? Ko je nadležan za sanaciju? I ko garantuje da se ovakve ili još gore stvari više neće dešavati?

Gradani u akciji

GRADANI NOVOG SADA REKLI "NE!" SPORNOM SPOMENIKU, KOJIM SE RATNI ZLOČINCI I SARADNICI OKUPATORA PROGLAŠAVAJU ŽRTVAMA

© 11.07.2022. | Ljilj. Antikorupcija

U Mostaru devastiraju partizansko spomen groblje. U Novom Sadu dižu spomenik falistima i ratnim zločincima iz Drugog svjetskog rata (nazivajući ih "nevinih žrtava"). U Mostaru, ipak, spomen zločinima iz "onog rata" - enoj u vidu nadzra ulici po sastavlju koladama i funkcionaru MHD - upravo "štenonar" - nakon 27 godina njezognog postrojenja. Detalje, na primjer Vlajkog predstavnika i zapadnog ambasadora. Bez izjednačenja

Gradani u akciji

BESPREVJEDNO PREGRAĐIVANJE KORITA RIJEKE BOSNE, BEZ REAKCIJE NADLEŽNIH, U VIDI SANKCUA... Građanski aktivizam
BOŽOĐAR JOVIĆ: ZIVIMO U PRELUPIJU DULJU SVIJETU, IMAMO PRISTUP BOGATSTVA, RODE... Građanski aktivizam
NIEGOŠ U DOBOŽU: NIJDAN SRBIN, ĐOSNIK, HRVAT, SLOBODNI GRADJANI, NE TREBA DA SE PLAŠI... Građanski aktivizam
RADNICI "MITALA" ODBILI PONUDU OD 600 KM, PRIPREMAJU GENERALNI STRAJK Radnički protesti
RADNICI „JAVANE“ PROTESTOVALI ISPRED GRADSKIH UPRAVE RADNIČKI PROTESTI Radnički protesti
KREŠEVIĆ GRADANSKI POKRET: MINISTARSTVO PROVREDJE SRK JOŠ NIJE RASKINULO SPORN... Građanski aktivizam
HRABROST GRADANSKIH AKTIVISTA: NAPREDOK STIMULISANOM BEZAKONIOM INSTITUCIJA VLASTI... Građanski aktivizam
KOALICIJA ZA ROD I KLIMU U BIH - LICE SIROMAŠTVA USTVARI IMA LICE Žena

»SRBIJA: GRAĐANI NOVOG SADA REKLI "NE!" SPORNOM SPOMENIKU, KOJIM SE RATNI ZLOČINCI I SARADNICI OKUPATORA PROGLAŠAVAJU ŽRTVAMA«

Građani su se oko 18 časova okupili na mestu postavljanja spomenika pored Lidla, u Ulici 1300 kaplara. Oni su poručili da namera vlasti „neće proći“ i naveli zločine koje su počinile osobe kojima se podiže spomenik.

Nastavak možete pročitati na:
www.antikorupcija.info

Gradani u akciji

ŠTA SE DESILO U MEHORIĆU I KO JE ODGOVORAN? (VIDEO)

© 27.07.2022. | NOZU / Antikorupcija

Kakanjski aktivisti okupljeni oko neformalne grupe „Park prirode Trstionica i Boriva“ su, zahvaljujući podršci CCI-i U SAD-ov, objavili kratki video kojim javnosti žele približiti dešavanja na lokaciji Mehorić u poslednjih nekoliko mjeseci. Posedno su se fokusirali na reakcije lokalne samouprave, nadležnih institucija i njihovih predstavnika, tačnije na nedostatak zainteresiranosti, konkretnih odgovora i transparentnosti u donošenju odluka. S druge strane, istakli su podršku na koju su naišli kada su se obratili mještanima. Zajedničkim akcijama, snagom volje i posvećenošću cilju, uspjeli su da izmjesti sporno postrojenje, nelegalno izgrađeno na teritoriji Mehorića. Betonara je otišla, ali su ostala pitanja za nadležne: Zašto se ovo desilo? Ko je odgovoran za devastaciju? Ko je nadležan za sanaciju? I ko garantuje da se ovakve ili još gore stvari više neće dešavati?

Gradani u akciji

BESPREVJEDNO PREGRAĐIVANJE KORITA RIJEKE BOSNE, BEZ REAKCIJE NADLEŽNIH, U VIDI SANKCUA... Građanski aktivizam
BOŽOĐAR JOVIĆ: ZIVIMO U PRELUPIJU DULJU SVIJETU, IMAMO PRISTUP BOGATSTVA, RODE... Građanski aktivizam
NIEGOŠ U DOBOŽU: NIJDAN SRBIN, ĐOSNIK, HRVAT, SLOBODNI GRADJANI, NE TREBA DA SE PLAŠI... Građanski aktivizam
RADNICI "MITALA" ODBILI PONUDU OD 600 KM, PRIPREMAJU GENERALNI STRAJK Radnički protesti
RADNICI „JAVANE“ PROTESTOVALI ISPRED GRADSKIH UPRAVE RADNIČKI PROTESTI Radnički protesti
KREŠEVIĆ GRADANSKI POKRET: MINISTARSTVO PROVREDJE SRK JOŠ NIJE RASKINULO SPORN... Građanski aktivizam
HRABROST GRADANSKIH AKTIVISTA: NAPREDOK STIMULISANOM BEZAKONIOM INSTITUCIJA VLASTI... Građanski aktivizam
KOALICIJA ZA ROD I KLIMU U BIH - LICE SIROMAŠTVA USTVARI IMA LICE Žena

Nastavak možete pročitati na:
www.antikorupcija.info

PRATI TENDERE, PRATI SVOJ NOVAC!

Monitoring mreža organizacija civilnog društva, volontera i istraživača kontinuirano prati javne nabavke. U periodu jul-septembar 2022. prikupljeni su i na portalu Pratimotendere objavljeni podaci o 2423 postupka javnih nabavki, ukupne vrijednosti preko 105 miliona KM bez PDV. Monitoring podaci ukazuju na negativne koruptivne trendove u sistemu javnih nabavki: kod 58% praćenih postupaka je identifikovan visok, a kod 27% srednji stepen rizika.

Prateći javne nabavke pratimo tokove javnog novca. Portal Pratimo tendere je razvijen zbog građanki i građana Bosne i Hercegovine. Jednostavnom registracijom na portal svaki dan u svoj email inbox možete dobiti dnevni pregled realizovanih tendera i mjesecni pregled informacija i tekstova ko, gdje, kako i na šta troši novac putem javnih nabavki. Prati tendere, prati svoj novac! Informiši se!



O projektu Pretraga javnih nabavki Metodologija Zastavice Prijavite sumnjuvu nabavku Statistika Prijavite se

PRATI TENDERE, PRATI SVOJ NOVAC →

✉ INFORMIŠI SE

Poštovani građani i građanke,
Ko, gdje, kako, u kojoj vrijednosti i na šta troši vaš novac? Prijavom na ovaj portal dobivate čete svaki dan aktuelne informacije o tenderima i potrošnji. Budite informisani kako se provode javne nabavke u BiH. Saznajte koliko njih je netransparentno, nesvrishodno, rizično i koruptivno.
Pratite tendera i saznajte kako se troši vaš novac.

Web:

www.pratimotendere.ba

Facebook:

<https://www.facebook.com/pratimotendere.ba/>

Instagram:

<https://www.instagram.com/pratimotendere.ba/>

Tviter:

<https://twitter.com/PratimotendereB>

Prijava na email notifikacije:

<https://www.pratimotendere.ba/bs-Latn-BA/automatic-notification-subscription>

E mail:

pratimotendere.ba@gmail.com



Forum poslovnog integriteta

 Hotel Hills, Sarajevo  22. i 23. septembar 2022.



Podržana od:



ANTIKORUPTIVNE AKTIVNOSTI TRANSPARENCY INTERNATIONAL BIH



Transparency International BiH organizovao je 15. i 16. septembra 2022. godine na Jahorini regionalni sastanak nadležnih tijela za sprovođenje zakona o sukobu interesa. Tokom događaja obrađene su teme očuvanja nezavisnosti tijela za sprovođenje zakona o sukobu interesa, istraživanja, otkrivanja i sankcionisanja sukoba interesa, kao i podnošenja imovinskih kartona i provjere podataka.

Transparency International u Bosni i Hercegovini (TI BIH) organizovao je prvi Forum poslovnog integriteta u Bosni i Hercegovini, koji se održao 22.-23.09.2022. godine u hotelu Hills, Sarajevo. Forum poslovnog integriteta okupio je predstavnike poslovnih subjekata u BiH koji teže najvišim antikorupcijskim i etičkim standardima u poslovnoj praksi. Osnovni cilj Foruma bio je da se obezbijedi kompanijama u BiH neformalan prostor za otvorenu diskusiju i razmjenu iskustva o sprečavanju korupcije i implementaciji antikorupcijskih programa u svakodnevnom poslovanju. Dijeljenjem znanja i ideja, poslovni subjekti upoznaće se na koji način povećati integritet, kao i sa dobrim praksama u ovoj oblasti.

Tri mjeseca prije Opštih izbora 2022 Transparency International u Bosni i Hercegovini, zajedno sa 75 posmatrača širom BiH, zabilježio je preko dvije hiljade primjera korišćenja javnih sredstava za izbornu promociju, a Centralnoj izbornoj komisiji (CIK) upućene su i prve prijave zbog ove pojave koja je zabranjena najnovijim izmjenama Izbornog zakona. TI BiH je CIK-u do sada uputio 80 prijava. Veliki broj prijavljenih nepravilnosti stigao je putem mobilne aplikacije Reflektor.

Broj pojava

2,009



Prijave se najviše odnose na zloupotrebe događaja javnih institucija na kojima su pojedini kandidati vodili izbornu kampanju, a koliko je ova pojava rasprostranjena pokazuje podatak da su se na 76% od 532 ispraćena javna događaja pojavili kandidati na izborima.

Takođe, zabilježeno je da je kroz jednokratne pomoći različitim kategorijama stanovništva podijeljeno 278 miliona KM, a zabilježeno 334 slučaja otvaranja završenih javnih radova pred izbore čija vrijednost iznosi oko 266 miliona KM i 345 započetih radova vrijednih 1,1 milijardu KM.

Centar za pružanje besplatne pravne pomoći u borbi protiv korupcije Transparency International u BiH (TI BiH) predstavio je polugodišnji izvještaj. U prvoj polovini 2022. godine postupao je u 154 predmeta vezana za prijavu korupcije, te je zabilježio 817 poziva građana na besplatnu liniju za prijavu korupcije 0800 55555. Državna uprava i dalje predstavlja sektor u kom je evidentirano najviše neregularnosti.

Transparency International u BiH (TI BIH) podnio je krivičnu prijavu protiv ministra transporta i komunikacija BiH Vojina Mitrovića, zbog nezakonitog donošenja novog Pravilnika o registraciji vozila kojim se otvara mogućnost da se značajni prihodi koje naplaćuje država ubuduće usmjere privatnom preduzeću.

Broj pojava

336

Ukupan iznos planiranih davanja

278,474,610

Davalac

Ukupan iznos planira...

Vlada FBiH	
Vlada RS	
Vlada ZDK	
Vlada TK	
vlada KS	
Vlada SBK	
Vlada KS	
Vlada HNK	
Grad Bijeljina	
Grad Banja Luka	
Savjet ministara BiH	
Vlada USK	
Vlada Brčko distrikta BiH	
Grad Tuzla	
Grad Prijedor	
Vlada ZHK	
Opština Teslić	
Grad Zvornik	
Građanski pozivnik	

Switzerland

Slovenia

Hungary

Romania

Monaco

Italy

Serbia

Bulgaria

Kosovo

North Macedonia

Google

Keyboard shortcuts Map data ©2022 GeoBasis-DE/BKG (©2009), Google, Inst. Geogr. Nacional, Mapa GIsrael Terms of Use

Ukupan iznos planiranih davanja 0 • 15

JAVNI POZIV

ZA PROJEKTE U BORBI PROTIV KORUPCIJE!

KROZ SVOJ RAD SE BORITE PROTIV KORUPCIJE
U RAZNIM OBLASTIMA, KAO ŠTO SU ZDRAVSTVO,
OBRAZOVANJE, PRAVOSUĐE, ZAŠTITA OKOLIŠA,
JAVNA POTROŠNJA...?

KONKURIŠITE ZA PROJEKAT!

Podržano od:



USAID
OD AMERIČKOG NARODA

KONTINUIRANI JAVNI POZIV ZA PROJEKTE VOĐENJA
GRAĐANSKIH INICIJATIVA I KAMPAÑJA U OBLASTI
BORBE PROTIV KORUPCIJE

Poziv OCD (udruženjima građana i fondacijama) iz BiH da podnesu prijedloge projekata usmjerenih na borbu protiv korupcije, s fokusom na rješavanje konkretnih problema identifikovanih na lokalnom nivou ili zagovaračkih inicijativa usmjerenih ka višim nivoima vlasti.

Od aplikantata se traži da dostave ispunjenu aplikacionu formu, te ostale aplikacijom zahtijevane dokumente i to isključivo putem on-line platforme za apliciranje dostupne na linku:

<http://tender.protivkorupcije.ba/>





Podržano:



USAID
OD AMERIČKOG NARODA

Ova publikacija omogućena je uz podršku američkog naroda putem Američke agencije za međunarodni razvoj (USAID).

Sadržaj ove publikacije je isključiva odgovornost Centra civilnih inicijativa(CCI) i ne mora nužno odražavati stavove USAID-a ili Vlade Sjedinjenih Američkih Država.